



碧山堂詩鈔卷十二

玉屏田榕端雲甫著

門人洪其哲明也編次

黔縣道中望齊雲山

蒼霧早相撥艱難已夕曛梯空峰屢合濺沫瀑常
聞藥谷仙勞訪桃源路此分西還重回首悵未到
齊雲

黔縣宿廣安寺

返照一相射天開小劍門稻畦環向郭竹樹密連
村驛路魚亭外塵囂梵宇存不須煩地主

楊同寅望廬外

出齋鉢與忘言

祁門舟中對月

怒石飛流兩擊撞飄然一舸下昌江
眼明滿鏡西江月倒却烏程酒一缸

自浮梁至景德鎮

朝下浮梁縣山連不斷村販茶經市遠
載碇幾舟喧畏景燔於炙飛流馬共奔
賸憐瓜價賤一笑謝雞豚

康郎山忠臣廟

驚濤拍岸天吳趨荒洲徹夜鴛鴦呼
朝來噫氣息

大塊萬頃一碧鄱陽湖摳衣摻袂起我敬忠臣遺
廟峙藕櫺康郎一阜培塿耳乾坤正氣恒相扶憶
昔明祖起碭澤驅除患難英雄俱神歇靈繹飛海
水羅平怪鳥嘯洪都滕艫戰艦蔽空下跳梁小醜
干天誅馮夷獻宮開壁壘靈鼉偃浸執鼓柁二曜
潛光走且匿百靈効命為先驅礮走霹靂共衝擊
劍飛血花相模糊妖星急乃犯帝座神龍誰謂能
剗屠是時忠臣各奮死猛氣直吞千於菟或乘榮
陽一黃屋或中雍邱六鑠鐸或突重圍血濺甲或
摧堅鎧目睢盱男兒要當格鬪死殺賊厲鬼亦吾

徒不爾白龍困豫且不爾叢祠鳴妖狐不辭魚腹
作馬革直從水府出赤符一坵鬼雄半湖水肇造
萬古皇王圖亥日之出信烜赫甲辰之祀還欵虐
我來謁廟弔遺跡檣烏落日尾畢逋鯨霓授首向
何處沉沙折戟堪悲吁忠臣生氣儼猶在鬚眉凜
凜古丈夫煙波一片得死所碧血一洗江流洿戍
樓角動不忍去將軍樹古哀斯須羨爾草木一微
物衛主奚翅千千振剗羊磔豕有享祀蛟宮貝闕
靈有無康郎石爛湖水枯忠魂毅魄終不渝嗚呼
今忠魂毅魄終不渝

抵南昌

豫章雨初霽弭棹一相期訪古灌嬰井懷賢孺子
祠東湖波渺渺南浦草離離明日豐城路龍光問
阿誰

寫韻軒

寫韻軒猶在神仙事渺然可憐四萬字賤賣五千
錢

登滕王閣二首

滕王久寂寞高閣峙江湄今古名藩地登臨落照
時風帆渺吳楚雁影下湖陂觸忤鄉關思西風不

斷吹

章江門外路高閣俯章江南浦青迷艦西山翠撲
窓荆甌區蟻垤湖海落魚缸不有王韓在誰能賦
此邦

泊豐城

綠楊匝稻田秋遶郭西來贛水流牛自寢訛雞
膈膊殫人風景是三洲

湘潭阻風晤胡比部吟江話舊作比部諱正笏先令滇

平之永

天末昔相樂分飛悵各天相思難問訊此會最流

連遼海君高唱時比部歸自奉天江南我倦還昭潭一尊

酒昵殺阻風船

長沙弔李忠節公

風雨厓山事可傷熊湘閣峙憶勤王人如信國心
皆赤身後靈均死更香舉室同時悲尹穀孤城異
代見睢陽後來忠烈還興起蔡公道憲並祀二忠祠滿目湘
流感慨長

晚由沅江過天星湖

洞庭秋更濶東勢與西平星影動天小湖光入夜
明風殄魚聚邑水泊雁飛程自笑浮家客浮家計

未成

江左歸寄洪靜谷嶺南二首

劉廬世好潘楊穆惆悵分襟十四年老我顛毛今
種種停雲吟罷一凄然

江東浪說江瑤柱薄宦何曾上箸頻飽噉離支應
莫厭輸君真作嶺南人

庚申元日試筆二首

林下心期田父同歲朝起便卜年豐笑拈一瓊屠
蘓酒小酌吹花擘柳風

投老何心說種田歲朝得雨亦欣然天公遮莫成

吾嬾風色無煩易拜年

牡丹紫者先開邀書巖虛齋諸公小集

名花凡幾樹左紫最先開冷節初相偈高人會此
來自須誇近局誰敢賤重臺一朶真消得傳杯莫
放杯

上巳日小集和書巖翁船字韻二首

穀雨初開上巳天風光絕勝永和年不辭禊飲流
連處萬里人歸兩地船余歸自江左大甥歸自粵東

瀟灑何人似樂天看花伴侶自年年池東大有烹
鮮興舉網無勞問釣船時舉網得魚前翁寄靜谷詩有池東喚補釣魚舡之

句因戲
及之

寄懷潘南垞太史

同年三十載握別九年強念我懶成癖知君醒亦
狂一官同濩落兩鬢各風霜賴有相尋夢論詩共
草堂

三月晦日東書巖翁約過虛齋看芍藥

五年三月今朝盡夏扈耰鋤莫謾催十日青陽留
好在一闌紅藥鬪新開無人不欲看花去有約寧
煩折柬來憑報翁家狂大阮趁將婪尾殿春杯

春日寫興

養拙優游已朔風眼看春事又匆匆愛將六枳編
籬易願得雙犍把耒同圃倦澆花須雨好田教種
秫仗年豐綠章合向天公乞送老生涯一醉中

建蘭歌 有序

建蘭自江南移來六月中旬盛開至閏六
月尾花猶未萎偶閱學餘集中建蘭歌愛
其善狀物情輒用其韵率爾和作聊以見
此花培護之匪易而吾輩欣賞之有寄言
之工拙殊非所計云爾

香祖之名人競識舊譜紛紜翻不一兩盆移種自

江南鼻觀微通香滿室舟車寂寞幾為歡寒燠澆
培爾許難涪翁莫謾誇東牖山谷謂一幹一花而
香有餘者蘭一幹數
花而香不足者蕙朱文公楚詞辨證嘗駁其說山
谷又云余居保安僧舍開牖於東西西養蕙而東
蘭後邨尤自矜雕闌勁節幽香相對好紫梗青花
堪耐老六月不知溽暑侵特為此花一傾倒風前
月下自堪論一酌誰招屈子魂采紉甚欲充為佩
冷淡却嗤人共棄

夏日閒居雜賦四首

吾聞曩賢言靜坐可禦暑褊襪嘲熱客車馬紛何
許髯蘓瓜豆約此例鄉風舉畏熱如避燒古歡聊

與處黑甜晷何移臯廬時亦煮心火乍然消涼風
生衣紵

力田慶有秋所望夏雨膏肥遺胡然見陽鳥不敢
逃野潦先秋落勢且廢桔槔吾生本俛蟲脚跣身
不袍盆花不委力歎壺手自操豈惟農夫病天不
賁吾勞

長夏苦日長炎蒸非所論米價昨騰踊十戶九額
輦庭木不搖落濕葉難為薪妻孥當豐年真恐啼
飢頻控鉞足糊口鼓篋食十人吾將改吾業毋為
羞賤貧

魚樂署軒名實未有軒看比來小作計逕草芟叢
殘鑿為半月池文魚致不難潛蓄扶寸水中有江
湖寬荇藻驟得聚籩澆况不安擘粒聊相飼一笑
分吾餐

立秋後晴雨不定獨酌遣興

積雨欲晴欲不晴炎涼一日幾關情
桁兼生熟衣難定稻半青黃刈未成
砌點金錢憐蕊小畦鉏箭幹喜芽萌
老夫懶作出門計贏得陶甌酒滿傾

杜門二首

溽暑朝未退林蔭憫道暘蟬鳴一相聞
微雨坐來

歇葱蒨視前山靄靄清輝發畫卧讀道書
幾日脚不襪客不相過存吾亦罷請謁
一尊勉復持空庭步涼月

涼月滿空庭潛鱗自游泳不知秋風聲
碎與落葉併遶檻閒草木花開自孤映
却掃雖云高忤物亦一病安知蓬藿中
自然寡逢迎投老懶愈真庶幾靜者性

夾竹桃

嗟爾得桃名胡乃竹共看一个两个葉
居然影檀藥夏初忽作花及秋猶未殘
繁英樹幾叢密蕊節

各攢偏反睨天桃真作如是觀香氣方暗度清陰
暑亦寒念爾自遠致拚擋亦良難舟車恐損傷灌
溉不使乾厚意酌主人遂博累月歡朝來更高興
點筆倚石闌吟成酒亦盡明月照團團起視風動
枝花開露正溥

秋晴擬詣村莊觀刈獲書興

馬煩車更殆行役且知休俟老天公意分甘稚子
謀粟斂山果夕稻獲野田秋穩跨疲牛好蘭單事
近遊

答書巖翁見壽之作

古德高年不世情扶持鳩杖且相輕餐霞本自嵇
中散埋照還如阮步兵十載勞薪憐暫息一瓢濁
酒快同傾庭前老桂花開早賸辦花前倒屣迎

再次元韵奉答一首

江湖何處不含情懶惰如今寡送迎場圃羨翁真
樂志斗箕笑我是虛名稻香匱匝方侵戶山色招
邀且入城解飲堯夫歡喜酒任教嗑嗑倒瓶罌

早秋即事

米價秋來賤加餐腹果然三升新漉酒半畝早禾
田世事拋身外人情慰眼前隻雞招近局一笑草

堂偏

為余黼合題寫照

偷然意似不曾官
花縣河陽許共看
遮莫放衙人吏散
驅將春色上毫端

至日大雪邀書巖翁小飲次前見贈元韵

大地山河盡有情
鋪銀積玉莫相輕
平增好景供詩料
力解寒圍倩酒兵
歡樂恐教兒輩覺
尊疊合向老人傾
祝翁飲戶從今大
一線添長與日迎

翁初度

雪中戲作咏梅小詩三首

急雪止又作園林梅交花
我愛石筵句清吟刪淫

哇時讀姜味梅諸詞

雪亞苦竹外月映淺水
次素質那共惜瘦影獨與

對

羣芳中孤芳繁香中幽香
誰能為之圖依稀懷花

光

至月晦日胡樸園憲副維舟枉過呈贈一首

忽枉高軒過長途憶歲殘
下車剛一揖辛亥冬晤公於滇南

途刮目辱相看薄宦抽身易
貧家款客難那期享

多物翻得慰承歡時有涂尖茶葛精諸物之饒

庚申季冬接宛陵梅健飛書知尊甫文常先生已於去冬葬城南吉壤賦此却寄

故人經歲別珍重遠來書報我頻煩處憐君憂患
餘南陽阡既表光祿誅何如吾道從今信高懷任
卷舒健飛前令易門代前任受過被議旋遭大故今已開復聞將赴部候補詩故及之

題讀莊小照

騎鶴纏腰古有諸持梁躍馬事何如癯儒山澤休
相笑松下清齋讀道書

迎春值雨

迎春早見濛濛雨春色知來何處邊至竟班春虛

故事一盃醕酤得春先

立春日作

寒聞鶴語凌兢裏老戀鷄窠瑟縮中喚作號寒蟲
似否一般得過到春風

題尋詩圖

盡日尋詩未肯回空山花落幾花開斷橋流水青
驢背好句知從拾得來

植梧椅

寒山何處問種自大冥良僕喜移根小兒誇聳幹
長夏陰看却暑秋月想流光早是孤生意枝條露

已灑

移梅

窈窕寒梅樹仙姿萼綠華生香移上苑跳脫降羊
家蕊綻池邊冷枝橫竹外斜探花爭旦暮風雪正
交加

種竹

臘月宜栽竹曩聞杜老詩乞隣分種惠分凡四種囑僕
帶鞭移翠色遙延嶺清陰半在池明年應洗眼看
長籜龍兒

獨酌

春來病肺須停飲奈此花枝照眼何賞得一尊花
下醉黃鸝轉出雪兒歌

紅紫牡丹花開邀書巖諸公小飲作辛酉

春事今年早紛吾戀物華纔逢寒食節又見洛陽
花步障誰相護香醪自可賒期公拚一醉忍負折
枝斜

過書巖翁看山茶三首

花中高格許誰先除却寒梅便水仙消得小寒風
信早山茶一笑也嫣然

三十六種譜滇茶卷葉分心美莫加記向起春堂

古
畔見一枝濃艷似君家滇茶以卷葉分心者為佳新興起春堂一株最為奇

海紅移得暹羅種好事還能與客娛却讓吳儂看

西子市人未有一錢輸花時出以示客觀者甚衆

上巳

今年上巳好天氣晴杲正當三月三紅霧罨深桃
爛熳香泥啣淺燕呢喃洛濱禊事何人舉白傅吟
情祇自諳小酌數甌加晚飯挑來薺菜滿都籃

清明

佳辰不負是清明潑火初過雨乍晴馬足頓輕手

草軟鴨頭新漲一江平少年共有踏青興老子誰
哀上冢行杏酪不辭聊取醉紙錢飛處暮鴉聲

冬日訪萬聿修五丈山居

出郭不知遠過眉拄杖扶冬晴春共暖山轉路仍
迂漁艇溪三汊農畦宅一區經明耕不廢長此羨
良圖

再次聿翁見贈元韵奉答

江村一曲枕山幽笑指輕鷗點點浮易給烟雲堪
作供難辭詩句莫相投潘蔬小摘踈籬畔陶秫新
芻老瓮頭我欲結隣從此卜三間黃篔篋水邊樓

至前微雨作

同雲久布不成雪散作微霖滴夜深曉起行園忽
失喜區萌菜甲長薑心

辛酉除夕二首

檢殘蕘歷憶歸耕依舊寒窓對短檠廢學老慚衰
伯業杜門近暮景君明百年幾泣存亡淚一日難
拋兒女情分歲蒼茫聊小酌雷車礮處已春聲時

靜谷之詩又大媳亡才
百日是日立春聞雷

春稅曾聞可代耕高張何必問長檠春於餞臘偏
先到眼向看花想倍明夢斷紅旗非我事歌憐金

縷亦人情開年最賴冬醅好滴瀝糟床注有聲

壬戌元旦仍用前韵

烏犍擬買事躬耕挂壁烏號那用檠對酒不妨賢
者濁占星喜見丈人明貧誇却掃原多事老愛閑
娛亦至情點檢歷頭才一日簷前烏雀已春聲

初春哭靜谷次書巖二丈韵三首

向陽草木正交欣懷舊難堪袂久分歲月即今猶
對酒鶯花無復更論文梅開庾嶺遙相望雁到衡
陽定少聞萬里孤兒丹旆路一天哀思兩紛紜時

蘊錫在粵
視含殮

天涯就養旋睽離兩尊人先後至鄉國難寬嚙指

期萬里忽傳雙鯉在之時聞題補海澄一言爭遣九

泉知老親善飯還無恙令子成名頗未遲大甥渠

員已不及知祇益士衡哀思苦追尋遊晏淚雙垂

嶺南自昔詩人地規外星躔海上波豈有夢婆春

喚醒也教灑吏意誰何人非陸賈裝應少客比虞

翻吊却多聞說脫駮高誼在俸錢孰與致皤皤聞

東同寅頗經紀其喪

答洪竹儕見柬二絕句

人間長物無如我世上閒人亦有君莫向空山嘆

孤絕杜陵曾共鹿麋羣

世情益睡事難論閉戶常安老病身辛苦蒙邨洪

主簿青絲挈酒往還頻

折枝牡丹

國色天然襯晚霞膽瓶醉拘一枝斜麻茶老眼瞪

還視錯認徐熙沒骨花

秋前小詩四首

散髮林間脚不靴勿論沉李又浮瓜消殘長夏無

多物一卷南華七椀茶

遊情減笑吟情減米價增憂酒價增朝粥一匙便

碧山堂詩集卷十二
三
枯坐被人錯認啞羊僧

涼蟬墮樹一聲幽
手捉蒲葵覩暫休
多事天公作三伏
却餘一伏入新秋

雨綻瓜萋蔓小園
書生食籍事堪論
却看黍稷收何日
閒殺床頭老瓦盆

和陶連雨獨飲

舉世慕冲舉吾意頗不然
有酒且獨酌中聖陋前
聞古人卒歸盡云胡世有
仙仙者果有人絕跡不
在天勞攘百年內放志讓
所先奚必戲五禽而待
問九還莊叟大小知乃有
大小年世事一茗芋修

短何足言

和陶西田獲早稻

人生百年內戚戚衣食端
薄田逢有秋固窮意乃
安行官却張望扶杖親自
觀刈獲有艱辛饑餉競
往還舉室不暇逸疇復憂
饑寒就中一老農告我一
飽難蓬草豈不陋憂患毋
相干縑纈豈不賤渥藉好
容顏我昧農圃理農言乃
相關載詠伐檀詩酒罷起
長歎

野外口占

偶過前峰曲獨來
野水濱如何山澤裏亦復少閒

人

憂旱 壬戌

不雨已匝月火雲鎮高屯天豈欲乾封地忽成焦
原田水空待岸摺摺桔槔喧無救龜兆坼且甚沃
焦燔早晚私與種隴塋同一薦憑誰憂旱燠綠章
叩帝闈夏初望來牟黃雲被滿村苦遭經旬雨化
作蛾飛翻米價日踊貴頗領安可論胡不畱涓滴
活此枯苗根私廩空千家惟有空廩存官倉糶垂
盡戶口正殷繁西成不有望豈惟缺糴殮輸將一
以後奚報 天家恩我憂欲罷食兒勸且開尊已

見蟻封穴會有雨傾盆

喜雨

不雨禱穹蒼常愧束廣微茲晨忽失喜暑暘頓解
圍布葉雲油油撒點雨霏霏亟視既槁苗一霎成
芳菲如此沾溉功非天將安歸盡謝抱瓮勞且息
為棹機計日獲早稻八口可無飢嗟天雨亦易豈
不念民依旱魃肆躑跳石燕乃翻飛人困天所憐
天意人莫違物力出艱難差慎霍與揮要使一寸
芒重於千珠璣我生不業農一飽實所希願言饜
藜藿毋為慕甘肥

苦雨

三農生九穀所望在有秋既償三時勞兼慰卒歲
謀今年夏苦旱鞭龍起靈湫苗槁勃然興病暍蕪
道周斯時一霖霖價重銀千流逮茲刈獲日晴霽
方所求詎意丙丁帖空自陳咿嚶淫雨苦莫止疾
風洶可愁蓬勃田間禾盡仆聚水漚豈應生耳占
且甚化蠱憂陰雲黓且霽淒風颺以颺嗟爾屏翳
駕遲遲方淹留我有一畝園枝木樛且料下有藏
身蟄上有逐婦鳩會須施斧斤快焉斫去休舉酒
酌陽烏躍出樽桑頭

山莊觀刈穫贈萬丈二庾

緩步輕輿馬兒童笑遠遊天光臨野濶山色背城
幽路遶茅簷出村環澗水流薄田逢小稔一醉與
君謀

三農生九穀所宜在存秋既備三時
其今年夏者且難育九月穀成
道月其時一露霖霖正銀一
方所求誠意功下
風泊可意

餘無
他處遠去書出林
斷水紫巖田益小錄一
幾少肆輿馬兒童笑
整天光調理斷山
山英勝以蘇觀萬丈二
更

碧山堂詩鈔卷十三

玉屏田 榕端雲甫著

門人洪其哲明也編次

山居用康樂酌從弟惠連韵五首

少小櫻世故結想巢雲峰耕憶鄭子真仕慕邵曼
容遂初偶然賦妄冀古人同度阡而越陌披豁開
心胸

心胸隘八極跼蹐乃若斯偶作雲將遊頗與鴻濛
期游心江鱗泳流目嶺雲馳願言舊猿鶴永好無
睽離

睽離客京雒駕言返舊山雲嵐屢變態川原勢相
延流觀逮冥會興至聊成篇兒輩妄記錄我意已
忘言

忘言意頗得復慮笑言遲鄰曲通往還率爾非夙
期嘉蔬詎我乏美釀令人思醉飽一朝遂陶然忘
歲時

歲時愛秋清佳日足嬉遨園柑初懸金野栗漸圻
苞作達既希阮避俗亦愛陶共有田家樂媿少田
家勞

山居再用康樂登臨海嶠初發疆中作韻四

首

披襟散鬱陶意行方自近經尋邱兼壑度越隰與
畛乘躡遠能追服散飢可忍爭如山中人一邱聊
小隱

小隱專一壑巖泉湛清流鶴既領雛飛猿亦負子
遊行適固多地坐嘯亦有樓倘來素心人晨夕歡
淹留

淹留村野歡永謝塵勞嘆鬴瓜抓赤棗小立茅簷
端超興發有時幽尋盡層巒屏除百憂慮毋使一
念攢

念攢曷云紆返景豁巖陰一鏡淨淙淵寸碧出遙
岑升高攬元化意畧丈與尋猿鳥厲哀響彷彿聞
玄音

江村雜咏四首

正倚雲根坐青山敞戶樓白雲飛忽遠一抹隔江
山

村春晨向動漁火夜來聚等是雞犬聲山中領深
趣

豐稔今年最偶接老農話米成無董節穀熟異稔
稗

山徑緣牛羊野田噪鳥雀偶來青谷口悔插紅塵
脚

九月將盡黃菊始花獨酌遣興

前朝佳節過重九菊蕊初含酒罷觴今日忽逢花
小發老夫不覺飲能狂盤堆大谷梨頭美盃實南
山豆子香絕勝坡公誇海外菊花開日即重陽

九月晦日書巖二丈枉過看菊即留小飲

七年九月今朝盡籬菊叢叢正小開天遠重陽仍
作雨花開晚節待啣杯絕無俗事愁他出不是高
人肯獨來桑落幸因熟好在看花忍勿醉花回

冬初再同過紫氣山看菊二首

暇日謾相招山遊且未遙一杯黃菊酒半笏白雲
寮野色城中樹寒江郭外潮由來眺聽美况復伴
參寥

寢衰脚力怯躋攀大好城隅一簣山幽意總離闌
闌外歡情多在竹林間娑拖籬畔花爭發脫畧尊
前膽易豨莫笑經過便終日一年能得幾偷閒

看菊後再賦五言呈書巖翁

在昔聞陶公愛菊兼愛酒嗜好亦偶然用意或不
苟如何後來人足跡競躡公愛酒兼愛菊亢志希

五柳陶令滿人間聞之良怩忸我非愛花人兼亦
非酒友拉公醉花前聊一開笑口此外復何言此
意公知否

龍爪樹歌

君不見董父之後有劉累擾龍饗帝乃得一龍醢
又不見朱泚漫千金雖單亦區區屠龍技成未有
一龍屠人間啖龍大匪易天公豢人聊作戲適遭
乖龍慵行兩割耳罰來小樊圃蒼髯老鬣無復存
九九之鱗亦已斃但留摺抓爪不壞衡紐縮曲枝
頭猶現之而痕吁嗟爾龍本靈物得非升天無尺

木成材恐受斧斤厄失水那免蛄蚰蠹祇今蚶螺
作勢欲盤空老幹真龍訝許同却憐風雨抓拏處
翻在兒童掌握中兒童得爪斯且食老夫偶見三
歎息世間豈少龍作脯不有張華誰得識

近况四首

脫離舟浪與車塵攬鏡尊前一笑頻百念已拚灰
冷盡不甘心作白頭人

笑言未易卜南村寂寞惟應賦小園自乏應門童
五尺惱他啄木一敲門

釀熟粗能貸酒錢一官垂橐不須憐糊獮布袋誰

相笑容易還山說買田

負曝南榮笑擁爐敝裘猶勝緼袍無兒童短褐剛
相稱顛倒天吳紫鳳圖

曉起即事效陸魯望寄皮襲美之作

涼風暗動枕幽清夢醒啼禽曉月明香蕙襲窓沾
露滴老鴉翻樹孃烟生囊書啟處閒鈎帖圃菜挑
來細糝羹狂興奈難敲句好竹簷巡久眺山城

至後雪中借用裕之送宋省叅韵

俗子兄惟孔方大眼孔如豆塞易破杜陵老子無
一錢世上銅山輕涕唾端居每作富豪想滕六三

冬炫竒貨平生冷笑陳無已閉門覓句甘凍餓豈
知羊羔醉本難帳擁金銷能幾個天公厚意要領
畧三白豐年良可賀凍齏一寸香生盃短檠二尺
光照座壽觴既舉慈顏和致親何必吾家過
殘臘不寐和兩洪丈

萬籟夜俱靜吾生何所求云胡雙醒眼直到五更
頭仙枕難為覓醉鄉祇暫遊何人賣春困價待老

夫酌

見劍南集

癸亥元日夜夢滌園寄示新詩一帙皆五七
絕句內有遊春詞十首覺甚佳第一首韻

有書字輒用其韻作寄懷詩詩成驚寤急
起錄之滌園詩惜墮恍惚不復記憶矣
滌園骨相故清臞千點梅花雪映餘遙想雲藍揜
翠袖熏衣未了又攤書

立春日偕洪明也許儀九鄭謙六諸子及兒
熙煦集紫氣山小飲即事

荏苒春生早山環紫氣中五辛堪作薦四美驟能
同步屨梅邊躡行厨竹外通迴看城市事一笑酒
杯空

廢田鑿池四月望後買得魚秧戲作

滄池小鑿綠畦邊買得魚苗細可憐安得秋來長
一尺免教人憶早禾田

遙送鄭笏峰之官奉天二首

薊門千里度榆關甌脫人耕古戍閒定愜平生飛
動意西風躍馬十三山

帝鄉作吏意何如王事先教畏簡書努力加餐須

不乏三椹靈草八梢魚

時祖陵大駕將出口外謁特簡奉天補用

遣興

我欲卜一宅背山前面溪山形窈而秀松竹梢與
齊清溪活活流十畝灌稻畦蔬富葵葢菘果植栗

棗梨導流鑿小池蓄魚狎鳧鷖紛種四時花石闌
亞高低茅齋構曲折篾舫通東西插架足書史庖
充鹽酪醢近局倘招邀煮酒烹黃雞懷此頗有年
始願恐終睽會須倩妙手粉墨相提携快馬寫為
圖亦足慰幽棲吾言曷能詳大畧且不迷公理樂
志論更煩一相稽

觀插早秧

田家雨過酒生香田水聲中插早秧莫笑老農占
小滿老夫也省灌花忙

飲竹儕書館晚歸

床頭豈有未開缸
堅坐深勞飲觥雙
一片清陰拋不得
麥秋梅暑讀書窓

園林初夏二首

穀犬紛紛正聒時
南風幾日不停吹
楊花飄墮無人見
一夜浮萍忽滿池

門巷紛紛落棟花
林亭一半綠陰遮
歷頭點檢得辰日
自課園丁種早瓜

方鏡次阮裴園督學韵八首

仁壽何年現影方
金精異樣吐晶芒
未成破處符初剖
纔向擎來壁有光
絕勝蟾暉入戶牖
定羞荷

暗滿池塘祇憂承
食輕唐突五六難
諧角與張沈約

月詩方暉竟戶入

盤龍常記向朱方
翹望江心訝有芒
鑄處應銘夷則字
規來豈減望舒光
隨邊寫卦形成異
擬蓋圖星影映塘
十斛黛螺相對好
風流不藉畫眉張
舉世皆圓爾獨方
廉隅不改見精芒
偶呈天上玄枵巧
一掃人間魑魅光
錯莫陽冰鏤碧海
分明縞練淨銀塘
四隣朗照應逾好
試倩淮南竹挂張
明月侵門影恰方
開奩對爾共寒芒
側看雲母屏相妬
正面琉璃匣滿光
螭紐雙蟠一斗檢
菱花七

出四隅塘獨憐照影傷孤另軋軋常停機九張
右手何人解畫方金精一片吐英芒人看面目寒
無敵自發精神爛有光半捲珠簾界斜漢一泓秋
水翦橫塘妍媸判得君知否金鑑而今不屬張
涵虛應物本無方鑿物常虛未有芒負月詎矜王
宅影飛魚肯讓馬家光金天照夜欺全璧秋水橫
波溢半塘最好同心相覲面不勞仕女仿周張
至寶元知不易方土花薄蝕豈銷芒小身幻出壺
山影冷面凝成磬石光幾向龍歸傷月宇不須衣
錦憶錢塘人中樂廣差堪擬架設珊瑚好對張

太陰竝曜地同方四序常懸不掩芒銀漢碧天橫
處影水晶淨域放來光虹占鼉采纔為佩金湧丹
湖別是塘智察却看符卦德蓮花羞對六郎張

送鄒劍如之官粵西兼寄懷周太守藥亭孫

刺史思曠二截句

百粵山川秀百盤羨君此去勝驟鸞時清莫侈虞
衡志要向循良傳裏看

功名盛代重循良君去猷為守擅長茂叔與公
皆老輩相逢為道鬢毛蒼

茉莉

舊說花田種移根奈苑中枝繁偏泣露莖弱不禁
風想像清香別依稀素蕊同怪他小兒女膏沐事
忽忽

學博熊君元麟招集學舍納涼

西風戰暑逗新涼天矯槐龍舞晝長綠雪旋烹園
茗好碧筩滿吸釣藤香盤餐不信儒官冷科跣能
容我輩狂只欠車公同此樂幾經义手暮雲傍

二丈患足疾不至

讀邢孟貞集書後

漁洋論明末布衣詩以孟貞為第一

一編雄長布衣中三復漁洋論至公桑海錄徵應

不泯江湖集誦罕能同倘逢韋柳爭先路肯向錢

劉拜下風留得太狂遺恨在滔滔石白水連空

孟貞應舉策房考批曰太狂因賦太狂篇

食鯽戲作

人士多於荊州邦國陋方邾莒老夫沼蓄辛勤一
笑盤餐見汝

哭小孫女四姑八首

懷抱經年几案傍一朝情事可憐傷塗鴉墨汁先
傾却忍搨官奴帖兩行

口齒居然似左家但聞清歷不聞差小時了了關

何事喜聽高堂太母誇

嬉戲常同凭藥闌幾番護惜怕摧殘東風自此休

吹送姊妹花開欠汝看

三虞卒哭淚初乾反袂應知哭汝難不奈夢中頻

見汝數行老淚又偷彈

愛汝惺惺是外家往還旦暮語周遮可憐色裏些

兒意幾度倚門日影斜

呼兒無計籲穹蒼五夜齋心寫綠章不識祖洲何

處所直應乞與返魂香

垂危食口噤難開猶向阿翁索飲來今日墳頭空

莫汝紙錢何事又飛灰

漁沼蔬坪藥圃通草廳南畔小溪東常時攜汝經

行處都在泔泔淚眼中

日本繡毬二首

玉琢玲瓏巧作團花神狡獪太無端分明一笑毬

場上海月拋來影共看

水晶毬擊不知寒誰漬臙脂點未殘疑被楊妃偷

一捻三郎恰稱醉顏看

花開綠色變
白又變紅

暮春即事

雨晴復值清和候天氣宜人向小園幾樹流鶯嬌

自語一池新水漲無痕童呼沽酒纔來市僧送分
花恰到門滿眼風光誰畫得半疑城郭半疑村

壽梅詩六首

有序

古州司馬力齋蔡公母毛太夫人令德著
聞福壽胥備乾隆癸亥七月七日誕辰綠
萼梅忽盛開崇寧李少府心正引元人龍
廣寒故事目為壽梅司馬來徵予詩因有
是作併寄令弟修來庶常

天半銀河襯彩霞綵樓高竝幌懸誇正逢赤水筵
開日詫覩仙人萼綠華

玉露金風此夕偏盤陳瓜果正紛然花神要奪人
間巧直挽春光照祝筵

甘雨和風釀一家非時草木長靈芽如聞天上無
憂樹幻作人間不老花

白藏屈節訝春回難老先徵獻壽杯雪蕊冰蕤花
數點直教珂里化瑤臺

鹽梅故事說調羹白帝驅令別有情虎齒向來誇
戴勝寒花一朶當金莖

綵戲翩躚見二難春風休咏采陔蘭多情苦愛崇
寧尉譜出新聞繼廣寒

為顧明府學山題寫照

峰迴阜背見清幽，徙倚雲根頗自由。五月松聲疑作雨，一池荷氣欲先秋。書窺要妙拈還置，鶴伴高閒去復留。添箇可詩軒得否，玉山重占舊風流。金粟道人玉山佳處內有可詩軒

和方伯陳公遊雪厓洞韻二首

跨馬溪橋野渡邊，清涼別現一重天。山中樵響有時發，郭外漁燈相映燃。路訝麻源第三谷，人參古德最初禪。不知海上蓬萊股，飛冠點靈幾幾年。岡重礧復見林隈，古洞誰教天劃開。定有爛柯人

隱去那無攬板鶴飛來

子事

白衣蒼狗朝朝幻

碧海黃塵事事哀，試向洪崖一招手。恍然身到小蓬萊。

日本繡毬三月已花冬，猶未萎再賦二絕句

百花開日鬪新開，錯認尋常白打材。今日盆松蒼翠畔，賴渠佐舉歲寒杯。

喝采毬場喜不勝，春風蹴踘到寒冰。憑誰花苑翻新譜，喚作人間耐久朋。

晚餐戲作

消寒破悶苦無方，犯卯騰騰入醉鄉。一枕酒醒催

晚食菠菘味敵大官羊

夜不成寐戲書撥悶二首

寒更輾轉不成眠老眼麻茶望曙天漏滴長如添
海水雞鳴難似聽臚傳睡蛇深匿憑誰遣心火多
焦苦自然聞道圖南穩甘臥五龍何處問真詮
文書翻盡不成眠始信華胥別有天漏刻偏於寒
夜永睡方不為老人傳曾無玄石酒供醉且少奔
解燭對然却憶西山留妙訣冥心忽與悟真詮

立春已近山茶未花書巖二丈催之以詩和

韻二首

水仙已吐寒梅破風信長占不誤人怪爾山茶乖
月令小寒不放待芳春

海紅記得前冬日火齊枝頭奪火然戲語花神酌
酒客迎春火速放春妍

時距立春三日

和書巖翁晏起邀客看花之作

高人自昔穩高眠春喚無端到耳邊半榻茶烟猶
自煖一庭花事已紛然蝶翻舞勢來羅綺鶯送歌
聲替管絃佳釀公家知不乏開懷好醉艷陽天

雪霽偶出看梅次前柬書巖翁約看山茶韵
鵲噪新晴起我眠徜徉步屨阜梅邊試看殘雪千

碧山堂詩鈔卷十三
堆畔大似明珠百琲然瘦骨常教親海鶴希聲并
欲廢冰絃醉花却愛城東好少待春光淡沱天

甲子除夕

街鼓聲中歲逼除殘宵點檢意何如一年債事先
從酒半世癡名祇在書投老轉於生計拙耽閒長
是宦情疎署門謝客吾何敢自愛梅花掩敝廬

二月廿三夜得微雨曉起梅花大放賦一絕

句

夢斷孤山一杖藜小園清興動相隨
寒後正是梅花得意時

散步小園作

冰泮河干雪亦殘小園扶杖當游觀天於郊色浮
新霽春向梅花作嫩寒地志倦拋行路外農書欣
把及時看呼童魚沼經疏好補種牆東竹兩竿

春寒

端居寡人事臥起日蕭蕭夜雨當簷急春寒入酒
消白憐梅隕片青愛柳垂條猶有鉏畦好鬢鬆長
藥苗

虛齋洪丈感患風痺近始稍愈索贈一詩久
而未就今年二月九日偶同書巖二丈步

屨相訪出蕙苾佳釀見餉飲忽大醉歸而
挑燈縱筆戲為此詩詰旦視之自不知醉
語云何也

吾公患痺疾兩手憂孽如不知風寒濕三者將何
居流火度非是著痺未有初意者為痛風此理蓋
有諸陰寒乘肌骨疑閉不得舒近者亦稍稍食指
動徐徐此意公未悟為公一軒渠寒極熱剗縱筋
故宜其紓世間最暖物五齊材各儲朝來偶造公
和風正吹噓飲我明珠酒二老共相於胸中千塊
壘逡巡為破除酒半急語公萬物一土苴菖蒲陽

樸薑乾暴何為歟安得百鷓夷細載來屬車勸公
且痛飲天地為蘧廬拂拂看酒氣迸出十指餘公
疾定有喜吾言諒非訣暇日倘過從竹萌與蠓胥
拇戰無不可相與為歡娛慎勿學皇甫手不忘持
書

二月十七書巖二丈邀看山茶二首

今朝大晴霽景物倍堪誇魚影動蘋葉蜂聲出杏
花敝裘欣乍脫濁酒望新賒忽赴高人約山茶爛
晚霞

春半春猶淺春寒春較遲今朝美風日是處好花

枝玉茗看何在白茶一株已枯滇茶動我思海紅纔數朶
一倍倒深卮

花朝

二月春風尚峭寒花朝未有一花看酒殘却作看
花想自起支棚護牡丹

端溪硯

巧匠何年斲山骨傳聞製出老坑良摩挲紫玉兼
金價溶漾青花勺水光眼審為鸚標品上腕疑有
鬼學書妨呂家嚙墨堪援例別乞人間煮硯方

林居即事

漠漠平田一水遙林居猶未嘆蕭寥月明窺戶清
光滿竹挺當窓翠影搖茶竈曉烟添藥竈酒瓢餘
興到詩瓢自緣善病供高臥錯怪青綯懶束腰

即日偶書

緗桃初着花交午池影茜何來雙粟留日曜金衣
絢圓吭弄好音詎解芳菲戀欲飛還復止少怯風
枝顫良辰既我怡美景足人羨安得滕元佑寫入
鸞溪絹

短歌行

青絲挈酒碧玉壺金盤縷膾四腮鱸身許高陽一

酒徒一年只有三春好况復雨多晴日少桃花嬌
紅桃花落楊柳嫩黃楊柳老世少玲瓏且自歌黃
雞白日奈君何

雨後

雨過清溪溜決渠匆匆作計慰閒居小池一夜新
流滿自散浮萍飼小魚

黃乍李進士同榮招飲

雨晴失喜赴佳招十里山村路未遙臘酒開醅憐
舊蓄野蔬入饌賞新苗客無少長皆親故話只田
園少市朝泥飲底須憂被肘却看倦鳥下層霄

早起

朝來急起關何事夜雨檐間滴已稀廢幔移遮木
芍藥缺籬補種刺薔薇翩躚乳燕啣泥早睨睨雛
鶯出谷飛春色那憂不爛熳一尊相賞忍相違

夜大風雨桃李花已落盡

未到春殘花事殘朝來風雨太無端牆偏只有薔
薇樹留待春風向晚看

春曉即事

鶉鳩連催天欲明夢回春意滿山城溪頭定有花
浮片林下先聞鳥變聲井轉轆轤知曉汲犁勤鋤

稊見深耕老夫早起披衣慣水竹新移探笋生

乙丑二月十七日蔡雪南庶常書來徵壽梅

詩次日復接令兄力齋司馬武陵舟中見

懷之作因成長句却寄庶常於京邸兼呈

司馬聊代小簡要不可云詩也

昨朝才辱太史書今晨忽枉司馬作連朝送喜怪

何頻椽燭吐花簷噪鵲書長反覆一再讀弘獎過

情非意度詩成小枝薄雕蟲求溪易問能無作司答

馬詩中意憶遇君家好兄弟臭味千秋欣有托相從許

渾接笑談丙辰在京雪南屢同為訪鄭谷同杯酌

許徵君過談竟日

庚申秋司馬至玉同魚鳥飛沉萍聚散一別回首

音塵各我拖一官百寮底乞養歸來廬黜聖龍門

退水鷓類風衡門自分甘藜藿君今且讀中秘書

快向蓬山聽鈴索致身霄漢已千尋猶念貧交慰

寂寞書來索我賦新詩垂老豈知筆力弱舊歲承

聞瑤池宴七夕華堂見綠萼異事流傳壽有徵廣

寒孝感人如昨拙詩蠅聲出蚓竅盛德初未窺崖

畧郵緘遠承司馬譽好事母乃資嗚喙君復誣諉

為此辭弱弩何能再張曠音書深感北來鴻雲山

遙望南飛鶴一語壽母兼壽君是母是子人弗若

世有胡納錄賢惠人羨黃香動臺閣朝天更語
司馬兄遄返陽春仍有脚時司馬入
覲在京

遲書巖翁不至

經旬天氣長多雨雨霽泥乾喜欲狂酒趨松床新
壓熟飯兼槐葉冷淘香雲烟冉冉開朝日花絮飛
飛下夕陽過我一杯亦偶爾怪公何事只推忙

古墓行有序

城西郭外有萬歷年間經歷汪柁葬其一
子一女古墳一塚距寒家丙舍東百步許
正面得勝樓下因效王仲文寒食詩體并

用其韵賦詩一首異後有考焉

寒食無家不出城無邱無壠無人行城西古墓傍
古道墓門滿蝕紅心草斷磚閣肘讀篆刻遠客孤
墳憂祭掃羸博聞葬不聞祭後代何人誰此拜滿
陌紛紛飛紙錢一杯空與酌黃泉野荒月白一杯
土杜宇千年來作主

晚霽

返景一相照陰雲忽復收鴉翻高柳動魚唼落花
浮趁暖蠶須浴經寒麥有秋漁村更堪妬曬網屋
西頭

春晚即事

春殘何事更相期，懶漫休耽卧起遲。
窻曉已憑鷓鴣報，雨晴先有鶉鴝知。
龍鬚引蔓緣高竹，燕尾分渠入小池。
自笑閒人忙未了，一尊淺醉落花時。

椿芽

油菜花殘薺菜花，林塘一雨急鳴蛙。
晚春更觸啣杯興，椿樹新抽紫玉芽。

豌豆

回鶻何年遺此種，枝頭幾訝玉蛾飛。
却緣翠莢成來好，頗覺明珠采未稀。
白菹沿籬憐已晚，翹搖蔓

野謾相依花斃小，點茶湯熟雷轉空腸一療飢。

蠶豆

女桑漸老浴蠶時，豆熟蠶眠兩莫知。
清詔點茶傾巨琖，狂呼案酒進深卮。
吐花紫蛹曾相訝，出莢明珠竟不疑。
最是年來多病肺，析醒更賴嫩苗滋。

和竟不發是具羊來多亦發於時長而後之
目遊於和樂而無礙可也亦然曾以精出交朋
女系德法公靈部三

靈豆
理野時外亦樂心無茶感感雷轉三獻一燕八

碧山堂詩鈔卷十四

玉屏田 榕端雲甫著

門人洪其哲明也編次

次韵答蔡力齋司馬武陵舟中見懷之作四

首

炳燭光陰廢讀書日中兼悔日之初拋荒經訓蓄

畬少慙愧求溪說隱居來詩有他年欲訪求溪易之句求溪來知德註易處

也

性癖耽吟悔亦頻罷癢欲起嘆何因知君別有金

丹在不斲刀圭肯乞人

牂牁東下楚江涯想像高吟狎浪花十載宦黔無
長物流傳苦語到京華司馬近著苦言一則述黔
中夫役之苦人爭傳誦
太史庶弟修門慰遠遊歡然大被小勾留白華要
譜梅花什多少才人費討搜

釣魚不得戲作

柳陰濃覆俯清流日午垂綸晚未收形似偶然看
蛭渡濠梁空自羨儵遊非關林下無芳餌何啻人
間有直鈎却怪襄陽坐磐石一竿不負釣槎頭

詩蝦行蛭
渡似皆疑

紫竹一林種已五年始生四筍成竹喜而有

作

闢園規種竹插植莢離落玲玢一紫筠秀色自孤
擢聊充庭階玩亦收種類名譬如古高僧衣紫詎
為惡所恨不作笋常恐園丁斫整龍老乃橫生意
鬱磅礴居然小龍孫破土出竿攫老饕堅忍饒未
敢沸湯滄犀角繞抽萌豹斑旋解籜朝來偶行園
解后玉雙珥南風不斷吹清露日以濯成陰良不
難吾意固有托來歲看生笋蕃衍定沃若紫玉煮
更腴當勝苦笋嚼朝衫脫尚得安問朝衫著

金銀花歌

鷓鴣將鳴衆芳歇窈窕籬落標芬芳朝從本草一
檢閱坐覺庭院生輝光鷺鷥脚蒙雪客號金釵股
艷珠娘粧我家一本蔓自野兒童移至喜欲狂半
疑銀吐白銀白半疑金縷黃金黃世間鴛鴦本各
體天然一體分鴛鴦高壓茶縻不上格密侵薜荔
難縈牆花婪葉儷兩狎獵蜂蝶不敢紛披猖勢走
龍蛇一相攫陰遮畏景炎天涼風清月白夜逾好
人間髣髴聞天香品竒莫謾收藥料味別暫緩充
茶湯老夫自分不貪且看取夜間或有寶氣騰光

芒

一本草金銀花一名鷺鷥藤一名金釵股一名鴛鴦草

夏日偶興

習懶初成癖經忙忽不勝駢頭驅菊虎側翅惱魚
鷹罷釣機長息澆花課幾增碧筩誰勸飲苦欲氣
憑陵

同心蘭三首

有序

乙丑六月初旬盆中建蘭開二十四莖既
萎至望後忽發同心一枝因賦紀異

國香容易對芳叢長在無人想像中九畹似曾矜
佩好一枝忽復見心同花攢獨蒂晨凝露人訝重
臺晚顫風不是幽香乍相襲錯疑馬遠畫圖工

堂下羅生歲幾深竝頭才吐又同心幕遮恰映同
功縷扇寫宜添共命禽誰許有言誇臭味自憐無
偶伴蕭森一枝相看還相笑願得休忘卓女吟
几案清供祇素蘭花神狡獪忒無端兩人密誓偷
來巧一點靈芽吐不難贈得青囊猶有念寄將梳
子若為歡同心最是人間少花逗同心取次看

述旱 乙丑

炎埃薰灼火雲蒸宴坐蕭然戶書局喚雨不來鳩
更拙噪晴有準鵲偏靈田呈龜兆苗先槁樹響風
條葉已零最是井甘愁易竭轆轤轉處幾家停

即事

柳蔭槐陰半畝池漣漪倒影動涼颼乍看點水飛
難定兩兩蜻蜓黦釣絲

禱雨城隍祠得雨志喜

自來壽酒樂相期零禱何當獻一卮某日逢逢催
畫鼓回風颯颯偃靈旗乍看雷雨行天速錯怪神
龍下鉢遲七月初一建壇至莫笑沙公先色舞老

夫一瓊也開眉

杜詩壽酒
樂城隍

劉叅軍歸自蒙化貽山茶二本賦謝

曩余官六詔看花頗乘興南園譜多種一一眼親

證一朝解組歸囊空百不剩長途携二本駝馬蹟
巖磴到家解椽包一笑委墮甌君復宦滇歸撼門
起夔夔海紅白寶珠二本概持贈恍覩兩娉婷詎
判姬與媵根株我舊識不待洗眼認枝葉雖向萎
生意較猶勝急洗老瓦盆破土塞宿莠手栽不累
力位置邇床甃既取澆灌便且免冰雪凝他時放
作花期君素几凭一卮酌好事迎門候鞭鐙只憂
玉茗姿荒砌看不稱

永昌張侍郎志淳撰二芳記
內山茶三十六種南園其園

也名

莢筍

吾生嗜食筍所恨易成竹春夏筍既過冬筍芽尚
伏每當三秋日不獲厭所欲今年出意外莢筍偶
焉蓄葉抽翠剡高根與秋蛇逐獵獵滿池塘大可
賽淇澳此君派雖別龍孫儼並育類菖蒲少節視
蘆葦異族朝來乃剥取戒僕慎勿促青苞得眼明
素肌防手觸筐筥且勿盈取用期陸續釜錡一以
湘口腹冀厭足粗糲腐儒餐一旦饌寒玉味已甘
不嚬氣又清絕俗肥疇與花猪頓覺傷濃郁安得
給三鬴更滿酒百斛此物長見供足以擅口福何
必五鼎食而羨八州督

十月朔日書巖二丈見過即留小飲看菊作
霜飛已見殘秋盡冬至先逢笑口開管領山林須
兩屐平章風月祇三杯微陽尚覺探梅早晚節剛
宜看菊來不為看花拚一醉一年能醉幾多回

菽乳歌

豆熟築場響撮爰盛以筐筥充庖厨兒童灰爆取
大嚼攪和火米真區區歲樂何敢委狼戾丹轉矧
迺傳鴻圖淮南煉藥昔仙去謁帝謬道寡與孤却
返塵寰作狡獪伎倆施與凡人俱揀擇虎爪旋大
磨瓊漿盜溢天瓢輸畚漉渣滓瀉淨盡如從酪出

酥醅醐長瓢短杓競旨注大釜火熱噓洪爐少選
沸騰銀浪洶小眼細碎千珍珠鹽滷微老山礬嫩
厨娘點化還斯須流脂甫羨雪花乳結塊倏訝白
玉膚肥膿不染腥臊絕人間何物能先渠五味五
齊和皆得烹煎方法爭臍胸軟吞不畏齒齶齧飽
噉且誑腹肥胍雞缸滿酌更安問潛鼉之臃牯牛
腴饕人給此亦良易腐儒風味寧差殊人生涉世
只為口回憶勞勞走道途罩飯村坊酒旗市此物
相隨何處無

十月八日有事祖塋天氣毒熱無異盛夏遶

麥壠而北得大桐樹憇焉因念廿年奔走
於外而先人墓田尚乏修理咎有不可勝
言者爰賦此詩撫時觸景情見乎詞

墓田環抱處仄徑更相尋窈窕四山靜婆娑一樹
陰脩教殘暑退稍送夕陽沉井柳何年事柘椽此
日心飢烏方下急落葉驟飛深馬鬣青藤絡龜趺
碧蘚侵撫衷良繾綣觸目倍蕭森蘇譜亭懷古歐
阡表欠今豈能高闊閱未得老山林衰謝人誰念
蒼茫不自禁墓塹逸少誓人悵雍門琴歸路重相
望風霜入苦吟

祭竈

臘月廿三夜祭竈沿已舊粵稽古禮存孰謂習俗
陋祀既聞火官祈且掌太祀吾家無黃羊意亦不
求富椒醕潔尊壘果餌分飭餽致詞老翁前羅拜
兒孫後但願乞去聲平安少免罹殃咎四時有觸穢
過失諒所宥君詣通明殿一一婉而奏縱有察治
女毋令肆譏詢要絕三尸報不待庚申守爆竹接
比隣馬飽藟與豆雲車騁靈馳風馬跨凡驟閭闔
緬非遙杳靄紅霞覆

壽書巖翁二首

卅年耆舊彫零盡又見先生白髮新南極一星明
碩果箕疇五福錫完人

雄水垂竿羞渭水閒官投綬養閒身只憂名氏難
相避蚤是玄狐夢裏人

翁諱邁昌字非熊時選遵義司訓不就故戲云然

乙丑除夕六首

破硯生涯未可拋破窓風雨謾相交一官拓落尋
常事不學楊雄作解嘲

地自幽偏多曠望居雖湫隘少囂塵七年林下人
誰識冷淡風光自在身

送故迎新今夕酒少眠多感暮年身哦詩不似香

山老等是人間守歲人

臘底經寒雪壓枝明年逢閏得春遲酒闌點檢終
年事少却梅花一首詩

百年底事苦勞形轂轉雙丸不暫停何日買山錢
小就誅茅小築四休亭

夜燒蕢燭未渠央舉室團圓共一觴預算明年當
此夕不知何處說思鄉

早春答書巖先生

扶頭莫笑起常遲寒怯薰篝獨擁時賴有詩翁能
好事款門催和隔年詩

培孫周歲二絕句

丙寅正月六日

舊贖坡老洗兒詩不望聰明亦戲詞
獻歲醉盤抓翠管鬪堂一笑也開眉

念珠百八珮雲垂想像權衡手自持
似笑阿翁居

宦拙衙衙學作達官為

首二句紀是日實事

仲春雜寫鄙懷疊前除夕韵六首

寒勒梅遲句久拋梅開近與杏相交
助添飲興聊

成句特與梅花一解嘲

二月下旬梅始大放杏花亦開

學道長年少夙因明窓何處問遺塵
定輸徐甲仙緣好服役無由賃此身

結髮勞勞事行役暮年樂事幾闕身
由東隣好空

相望慚愧人前說後人

予嘗援蒙叟錢後人例自稱由東隣後人媿不能踐

雨濯烟籠綻幾枝啣盃不恨得春遲
南朝宮體流傳在紅杏花開好賦詩

心為役處幾勞形行脚如僧只暫停
繼馬柅車重記省長安七十九長亭

九十韶華正未央招邀連日醉壺觴
擊轅歌就休相笑行樂由來不出鄉

春分雪

雪入春分省見稀春分見雪倍依依
鬢鬆欲共梨

花發飄瞥還兼柳絮飛氣奪蒼龍驚後蟄影迷素
燕社前歸逡巡見睨消尤易淨洗雲山碧四圍

辛夷花

紫毫束縛向誰家一夜東風吹作花持報東坡老
居士宣城散卓未須誇

即事

綠天深處日偏長風過槐花細有香攤飯澆書無
不可汲泉親試檢芽湯

社前即景

春半風光雨後天落花糝徑草芊綿一杯小酌茅

簷下笑看隣翁掠社錢

春晚

春晚鶯花色較濃溪山是處有菁蔥詩材畫本知
何限零落輕烟細雨中

初聞杜鵑

雨足郊原水漲田綠楊映日裊晴烟怪來農事家
家動昨夜青林響杜鵑

盆蘭

光風轉蕙蓋蓋日長伴先生几案間慚愧箋騷酌
明水風流輸却玉峰山

牡丹開

白苧衫裁雨色殘
閨年莫謾怨春寒
纔逢寒食驚心候
次第看花到牡丹

洪母貞節詩

女子身許人義在
從一終如何見金夫
遂乃不有躬
自人懷棘心
斯世多凱風
世無班叔姬
罕有揚管彤
吾家世與洪
劉盧族望通
吾子母子壻
所媿吳下蒙
母節實稔聞
言無間叟童
憶母喪所天
誓死殉幽宮
舅姑語且泣
母心亦忡忡
襁褓呱呱女
高堂鶴髮翁
夫死况無後
豈不怨且恫
死易立孤

難大義將無同
繫古聞程嬰
近在巾幘中
誰為女貞歌
慷慨迫深衷
奪志諒所無
務面何息息
自稱未亡人
譬一食蓼蟲
仰事兼俯育
一一資女紅
杼絲間畫荻
續火映丸熊
婦德貞乃吉
食報果亦豐
令子舉孝廉
孰非義方功
猗與慈母節
一朝達宸聰
廳事樹烏頭
雙闕翹穹窿
里巷榮且羨
宴樂鼓逢逢
亦有姘且熱
喘劇吹竹筩
孝廉行掌教
木鐸振聵聾
講堂三鱣飛
安知不三公
立身以行道
移孝乃作忠
孝廉尚勉旃
顯揚無終窮

七上都門留別諸親友四首

少年不淺騎驢興詩入長安例百章今日出門人
漸老呼兒不用檢奚囊

三月安能問聚糧一生常為打包忙匆匆最是傷
心處衣綫猶餘淚幾行

二載期歸哂謝公但教枌櫚樹能同願言聊復期
三載還我清溪舊釣筒

祖筵排日易銷魂出處稍從達者論清白傳家休

兩負弟兄南北總

君恩

時四弟樟赴普安司
訓之任書以勗之

泊新店

蕭然一隻捕魚舟野泊前頭慰遠遊兩岫蛩聲半

江月一天風露似新秋

連日見上水船風行甚利

江行兩日東風利千帆滿意爭高掛我行順水爾
順風上下往來同一快順逆風行總任天一杯相
屬且陶然却憶往年行役處上灘更泊阻風船

虹飲

波光不動平如席斜照飛來兩點急雌霓連蜷起
半天十里清溪供一吸澄潭輒恐蛟龍動虛巖或
有鬼神入須臾烟斂霧亦淨仰見青天青歷歷天
意變換不移時人生浪使百憂集霞殘拖逗半江

赤月上燭破千林黑客子舟停暑更消一縷涼風
吹習習

黔陽道中

舟行開晚照川路望中賒鴻鴻眠沙嘴蜻蜓上槳
牙江從洪市濶峰入武山斜不盡夷猶與風輕浪
不花

過鷓鴣灘

鷓鴣灘險絕浪迹幾經過山雨霽常少江風吹更
多怒濤飛造次怪石起嵯峩洪市今宵酒驚魂奈
爾何

泊貴州灘上驟雨復止

野泊匆匆暝色催漫天雨意頃還開山中明月深
宵見江上長風萬里來對客偶吟排悶句下灘頻
酌壓驚杯誰憐古戍蕭騷處限隔家門一水隈

雨發辰州

六月二十一日

下雋朝相過溟濛雨未殘雷訇灘響壯雁唳櫓聲
寒江路涼生蚤是日立秋篷窻興遣難酉陽山咫尺書
卷若為看

過清浪灘

清浪驚心處扁舟怪此經灘平添雨漲篷穩得風

停疊嶂連巫峽危波下洞庭辰陽猶在眼洗盞慰
飄零

大龍驛早發

駝鈴驚曉夢弦月影征鞍淖阻馬蹄怯坡盤客路
難稻遲妨雨獲柿早待霜丹却望梁山好松林實
飽看

澧朗道中

澧朗相望盡水鄉秋風空想稻花香陰霖未霽湖
猶漲閒殺人家礮碌場

舟過公安同洪東村夏雨亭兩孝廉及次兒

煦

躑躅纔悲道里艱忽逢霽景暫開顏四圍遠水浮
天外一片孤城隱樹間小飲不妨邀月上扁舟只
似泛湖還却思人物三袁在悵望流風杳莫攀

雨發張莊由孫黃驛乘舟至孱陵

澤國如今更漏天江河滿地雨芊眠迴車阮籍憂
難達泛宅龜蒙擬若仙山色迢迢鄢郢驛烟波淼
淼洞庭船一湖南北舟車路行李紛拏意惘然
由澧州至公安堤水衝決稻田萬頃盡在湖
中用顏字韵再成一首

道路寧辭涉險艱哀鴻澤畔慘人顏一湖秋水長
天外萬頃黃雲白浪間蒲葦已教廬舍沒魚龍不
放犬雞還多情賸有垂條柳留待居民反後攀

渡荆江

路入孱陵雨竟晴一帆風順翦江行天公似償連
朝苦穩送荆南第一程

石橋驛紀行

武陵北走荆門道大抵雨多晴日少山行岡阜遶
坡陀水涉溝渠憂浩淼石橋驛路更崎嶇山石犖
确摧人車孟門之險定何似蜀道雖難恐不如車

行淖阻誤一蹶行李安能戒倉卒泥浣素衣已化
溜濕破殘編不可揭小南橋北路滌迴野水無舟
限往來一盆笑向中流道何似沙門有渡盃

由宜城至小河道中喜晴

路入襄南好晴開客思閒近郊平似掌遠樹碧於
山麥隴連千稜荷塘淨幾灣宜城今夕酒一笑膽
須豚

過宜城

征車喜就夕陽晴拂面涼颼暑更清一路鳴蟬聲
不斷綠楊影裏過宜城

襄陽雜咏三首

璇璣慧絕無雙手勝似長門買賦多世上負心原
不少終憐悔過竇連波

估客喧喧樂未央往來大艚日相望書生門戶留
空在誰識當年繁仲皇

清泥河遶不勝長龍尾洲前草自芳雙廟祇今誰
識得矮張張與竹園張

沙台店即日

瓜棗經秋熟更繁紅皺黃繫白河源憑誰拈得倪
黃筆繪取沙臺柳外村

白河水漲行由小徑喜晴

白河水溢謝舟師村徑穿來馬不辭草雨莎風相
捲盡無多山色夕陽時

無多山名

早發北辛店值大雷雨行三十里宿博望驛
陰雨蒼茫道路賒人來平地阻行車輸他博望千
年事直泛星河萬里槎

驟車

我畏鞍馬勞兼價乘驟車兀坐同一龕兩脚不得
舒掀簸甚浪舟艤無安居楚南淫雨多道路通
沮洳泥濘馬蹄怯十步九趨起插脚泥塗中賤辱

執鞭如行路飽艱難正坐誤讀書縱少槌壁歎迴
車哭有諸人生營口腹一飽安用餘魚羹飯易給
悔不臨溪漁皇皇走道塗栖栖何為歟舟車南北
路動輒增欷歔停車貰斗酒聊遣憤懣攄寄語後
來人毋輕出門閭

渡黃河次星沙張君漱渠壁間韻寄懷開封

朱太守霞谷

張諱汝潤湖南善化人
時官刑部河南司主事

大地噓洪鑪日與肌膚灼熱惱觸處增心火燃恐
燿我來冒暑行中途暑氣薄今歲夏徂秋楚豫雨
頻作馬渡水半腹人插泥兩脚一歌行路難魂夢

屢驚愕物理感乘除風師靜管籥波恬浪不花船
疑岸上着河神不世情使我胸境濶戰場吊廣武
故壘指京索遠樹碧參差天水勢相錯自古美味
魚所恨不得嚼野店古饅頭一笑療飢渴我友南
陽季為政了不虐一水限金堤邈若阻雲嶠安得
縮地來出君非意度賓客舊梁園今古定相若

村行即事

如弦大道莽泥途遠徑穿林幾日晡榆柳陰濃梨
棗熟乞漿長自笑征夫

新鄉道中

衛河東下日朝暎綠柳陰濃過雨痕省得遊人添
悵望輕烟淡靄失蘓門

宿衛輝

雲氣侵晨霽太行夕陽投止衛河傍青山笑我非
生客明月依人似故鄉酒殘常於垂橐減詩篇多
為紀程忙鳩鳴惡說明朝路滑馬泥深過頓坊

過淇水值大風雨再用前灼字韻

朝發衛河傍紅日乍一灼向午渡淇水一霎雷電
燿狂風吹暴雨攪天雨噴薄恍駕無舵舟中流颺
母作平陸湧崩濤不得行馬脚平生百憂患此際

一駭愕兩耳澎湃聲大地鼓鞀籥俄聽巨木拔勢
恐頭上著黃昏投野店有屋安問濶衣履汚泥沙
形容老蕭索牛馬同一阜人影笑相錯不鑿野人
餐草具聊一嚼沽酒壓驚恐匪但慰飢渴夜枕徐
自悟造物非我虐人生安樂途只在隱雲嶠是處
有青山胡弗躬荒度多收黍與與勝佩綬若若

過定州暑甚作

行人盡愛晴暉好不道秋陽不可當柳下鬪瓜聊
一快暫教熱惱變清涼

劃花小盃說前朝行路安能問舊窰貯得茶香消

暑渴不妨半剖是飽瓢

予入盡愛翻翻致不直林野不可當林下臨水聊

盡安似暑甚非

有青山防飛隄荒夏多如黍與與翻風然苦苦

自剖豈勝非汝其人全安樂豈只耳動雲亂是與

餐草具聊一嚮古西風驚恐且且掛胸風吹林斜

沃容法蕭索中黑同一早人濕笑卧論不覺理人

恐煎土膏黃香殊理古有星安問聞水與我與少

一颯野雨耳遠我華大此結講齋外新日木好葉

